

四庫全書

史部

欽定四庫全書

史部

欽定大清會典則例卷四十六

詳校官檢討臣劉圻

編修臣程嘉謨覆勘

總校官原任中允臣王燕緒

校對官助教臣黃昌禔

謄錄監生臣董邦本

欽定四庫全書

欽定大清會典則例卷四十六

戶部

鹽法下

一直省鹽差順治初差長蘆兩淮兩浙河東巡
鹽御史各一人直隸山東山西河南江南江西
浙江湖廣陝西鹽政一年更差其福建四川廣
東廣西雲南貴州六省鹽務舊隸巡按後改隸

巡撫○康熙七年定長蘆等四處鹽差於六部
郎中員外郎及御史內每處選差滿漢官各一
人筆帖式各二人○十年題準鹽差御史不拘
滿漢每處止差一人○十六年停止鹽差筆帖
式如差滿御史仍帶筆帖式一人○又覆準

京城及采育里地方鹽引向由崇文門監督徵收
嗣後責成大宛二縣行銷與各州縣一例考成
○三十年題準增設福建廣東廣西巡鹽御史

四十六年

命廣東巡撫兼理鹽課○五十九年覆準將兩廣巡鹽御史徹回鹽政交總督管理○雍正元年議準各鹽差筆帖式傳其差往○又覆準福建鹽課令各州縣徵收興泉道管轄著總督管理鹽務○二年覆準令各該御史將鹽法諸書按年纂輯繕呈

御覽並照式送部以備參考○又覆準雲南麗江府改

土歸流其鹽井交與知府督令經歷煎鹽於本處行銷○又覆準廣東發帑收鹽如產鹽無幾之小場地方官就近督收澹水等各場皆地勢廣遠產鹽甚多該督遴選廉幹之員分委督收○又覆準廣東運使管理五省鹽政復設經歷一員以供差委○四年覆準福建鹽場大使六員業經裁汰但鹽政必須專官料理方能裕課請簡同知通判知州知縣等四五人發往福建

委任場務仍遇貧闕題補應得之官○又奉

旨兩浙鹽政交巡撫管理○十二年題準福建鹽政衙

門改為鹽法道專管鹽政

一貢鹽順治初年定供用庫白鹽二十四萬一

千六百六十六斤內官監白鹽六萬二千斤青

鹽七萬二千五百斤光祿寺青白鹽十有四萬

二千斤

以上每百斤
加耗三十斤

鹽甄萬斤

計六百六
十七塊

鹽滴

二十四百斤神樂觀鹽六十五百二斤

每百斤
加耗三

十斤戶部都察院巡鹽御史官吏食鹽二十一萬

百有六斤

每百斤加耗十斤

以上均由長蘆興國等場

辦解遇閏照數加解○又題準部院等衙門鹽

交戶部收貯給發○四年題準給發宗室及官

負兵匠人役食鹽額數○七年題準光祿寺鹽

文本寺收○十一年題準諸王各官按俸銀每

兩給鹽一斤○十二年題準內官監鹽交宣徽

院收○十五年題準供用庫鹽交宣徽院收○

十七年題準將各衙門巡鹽御史食鹽均令變價解部充餉○康熙元年題準各監庫鹽仍令戶部收貯○三年題準光祿寺鹽仍交戶部收貯嗣後除

內府取用外餘令運司變價解部如遇取用仍解本色○二十八年題準長蘆運使煎辦貢鹽九十餘萬斤內務府光祿寺每年取用三十餘萬斤自二十八年為始止令煎辦四十萬斤其餘

五十餘萬斤停其煎辦每包折價銀七錢五分
報部○三十三年覆準將長蘆三十三年三十
四年額解鹽停止俟用完時再照例移解○五
十一年議準長蘆運使解送備用青白鹽十萬
斤甄鹽百斤於五十一年起至五十五年止停
止解送折價解部俟五年後每年止解青白鹽
六萬斤甄鹽四十斤交光祿寺仍將應折價銀
報部察覈○雍正六年題準青白鹽停解四年

○乾隆十二年題銷光祿寺解青白鹽三萬斤
內務府解白鹽二十萬斤其甄鹽折價交與戶
部停其解送

一鹽法考成順治初年定直省鹽課每年巡鹽
御史及兼理鹽法巡撫開列屬官職名分數具
奏其州縣原額並完欠細數運使及管鹽法司
道彙造清冊送部察覈○康熙三年題準州縣
衛所官銷引欠一分者停其升轉二分者降俸

一級三分者降俸二級四分者降職一級五分者降職二級六分者降職三級七分者降職四級皆戴罪催銷完日開復○又題準御史差滿交代離任將經徵帶徵鹽課總作十分未完不及一分者罰俸一年一分以上降俸二級二分以上降職一級三分以上降職二級皆留任四分以上降職三級調用五分以上四級六分以上五級皆調用七分以上革職廣東廣西福建

四川雲南貴州兼管鹽法巡撫鹽課初叅未完
一分者罰俸三月二分六月三分九月四分一
年五分降俸一級六分二級七分降職一級八
分二級九分三級十分四級皆戴罪督催停其
升轉運提分司大使未完不及一分者停升罰
俸六月一分罰俸一年二分降職一級三分二
級四分三級五分四級皆戴罪催徵六分以上
者革職經管鹽法司道府州縣官鹽課初叅未

完不及一分者停升一分以上降俸一級二分
三分降職一級四分五分三級六分七分四級
皆戴罪催徵完日開復八分以上革職署運提
分司大使未完不及一分者罰俸三月一分六
月二分九月三分一年四五分降職一級六七
分降職二級皆調用八分以上革職署理不及
一月者免議署管鹽法司道府州縣衛所官未
完一二分者罰俸三月三四分六月五六分九

月七八分一年九十分者降職一級調用署理
不及一月者免議接徵接催官不必各作十分
以本年鹽課總作十分扣算議處叅後大使限
一年全完分司限年半全完限內不完照州縣
官地丁錢糧例處分運使提舉限年半全完限
內不完照布政使地丁錢糧例處分管鹽法州
縣衛所官限一年全完限內不完原叅不及一
分者降職一級一二分三級三四分四級五六

分五級皆調用七分以上革職兼管鹽法司道府直隸知州限年半全完限內不完原叅不及一分者降職一級停其升轉一二分降三級三四分四級五六分五級皆調用七分以上革職兼管鹽法巡撫限二年全完限內不完原叅不及一分者停升一二分者降一級三四分二級五六分三級七八分四級九十分五級皆戴罪督催凡降俸降級等官均候交代有能於離任

之先將鹽課全完者即準開復如年限鹽課接徵接催官原叅無名者接算前官總作十分限半年全完如不完照初叅分數叅處○四年題準經管鹽課官報明巡鹽御史察覈完欠方許離任如有未完即準其離任將御史降二級調用○又覆準廣西州縣官咨明廣東巡撫察覈銷引完額方許離任○六年題準凡遇閏年巡鹽御史以十三月差滿○十二年題準各官任

內鹽課未完別案降調丁憂離任者罰俸一年
鹽池牆垣倒壞行鹽無術商販不行或食鹽不
遵舊例藉口不行鹽者皆議罰俸一年○又題
準各官銷引未完八分以上者革職其戴罪督
銷者限一年銷完如未完一二分者降三級三
四分四級五六分五級皆調用七分以上革職
○又題準前官已完銷引責成後官一年內繳
部如不行送部及題報鹽引遲延或申報鹽引

前後不符者該管官罰俸巡鹽御史兼管鹽法
巡撫照例議處○又題準鹽引未經題明私自
那撥者該管官降一級調用巡鹽御史降一級
留任兼管鹽法巡撫罰俸一年或將此縣引賣
與別州縣未經申報者府廳官罰俸一年布政
使按察使罰俸六月○十四年題準巡鹽御史
鹽課未完二三分者照舊議降級仍留任兼管
鹽法巡撫叅後不完應降級者皆留任督催完

日開復至接管官半年期限太迫州縣大使改
限一年司道府直隸州知州運使等官年半巡
撫二年如不能完照初叅例處分署司道府州
縣等官不及一月者免議分司大使州縣等官
原叅不及一分年限內不完者降一級留任再
限一年催徵如再不完照所降之級調用○十
七年題準各官察出竈地升科均照察出地丁
錢糧例議叙○二十七年題準雲南土商小販

赴井支配令將行鹽各府州縣定完欠考成處
分令其領運行銷先行鹽後納課○四十四年
題準鹽政文移向由都察院轉行轉送嗣後鹽
政一應事宜有關各部者該部徑自行文該差
該差亦自行咨呈達部仍具呈都察院存驗○
四十五年覆準嗣後有商人告領帑銀者坐商
責令巡鹽御史等官運商責令督撫州縣官確
察行鹽地方廣狹鹽本家產厚薄出具印結並

諸商連名互結送部察覈○五十年覆準運司
交代照藩司交代之例造具冊結詳巡鹽御史
具題察覈如有遲延徇隱等弊照例題叅交該
部照藩司交代之例議處至甘肅四川雲南貴
州等省未設運使其管理鹽課錢糧官交代之
時亦照此例其運司運判提舉等官均有催徵
錢糧之責亦照州縣交代之例令該御史備具
冊結呈報部科○五十八年議準兩廣課餉考

成止列歲內經徵各官職名嗣後兩廣行鹽州縣將歲外接徵之官亦按起止月日未完分數計算考成別冊附叅其果能於歲內將引餉徵解全完或前官未解接任官能催徵全完者照地丁經徵例議叙○雍正二年題準河東奏銷例於四月嗣後與地丁錢糧一例總於六月到部○又題準河東舊例殘引均於三年內通融繳部新引令巡鹽御史親齎赴任自雍正二年

為始每年舊引均於奏銷時一次繳部以杜重複影射之弊歲前頒發新引及時行銷○又覆準嗣後各省直隸州督銷鹽引巡緝私鹽原繫府同知經管者改歸州同原繫通判兼管無州判者交與州同管理如銷引不完及巡緝私鹽不力該撫即照例叅處○六年覆準起解鹽課協餉該鹽政督撫巡鹽御史豫先移會前途督撫飭撥官弁護送交代嚴飭解官由大路挨站

而行如有疎虞該管督撫即將經過之文武官
弁照例題叅著落分賠倘該督撫御史不移會
督撫解官不知會地方仍潛行小路一有疎失
各官照疎防例議處其不移會之督撫御史照
僉差不慎例議處私行小路之解官照枉道例
處分所失餉銀著落解官名下追賠如不能完
即著落原差委之上司賠補至解官欲就小道
該地方官詳報題叅倘地方官聽其由小路行

一井題叅○又議準鹽課未完經徵各官均按
分數議處而欠課商人從未有處分之例是以
各商固結陋習視欠課為泛常嗣後未完鹽課
錢糧經徵各官仍按照分數議處外將各商名
下應完鹽課作為十分未完不及一分者責二
十板未完一分者枷一月責二十板二分者枷
四十五日責二十五板三分者枷兩月責三十
板四分者枷七十五日責三十五板五分者枷

三月責四十板以上欠課各商題叅之日扣限
一月全完者免處逾限不完即照此例枷責如
能於枷限內照數全完立時釋放免責若枷限
滿日仍不完納除杖責外即將該商咨叅革退
所欠課項以引窩變抵未完六分者杖六十徒
一年限四月全完七分者杖七十徒一年半限
六月全完八分者杖八十徒二年限八月全完
九分者杖九十徒二年半限十月全完十分者

杖一百徒三年限一年全完以上自六分至十分皆將該商鎖禁能於限內全完革退不許充商免其杖徒之罪倘逾限不完除將該商發配外其名下所欠課項均著落引窩家產變抵如額徵錢糧果能數終如數全完令鹽政按其課項多寡量給花紅匾額以別優劣○七年覆準兩浙各場鹽課錢糧令場負就近設匱徵收原封解交各縣折并是代徵之場負非專管官可

比嗣後除兼管專管各官仍照舊例處分外其
代徵場負如舊例初叅未完不及一分罰俸六
月者今應免其議處一分罰俸一年者罰俸三
月二分降職一級者罰俸六月三分降職二級
者罰俸九月四分五分降職三級四級者罰俸
一年皆免其停升催徵再舊例未完六分以上
者皆革職今未完六分應降職一級未完七分
降職二級仍令戴罪催徵至八分以上者革職

再初叅處分既已改輕則原叅各官亦不便仍
照舊例議處嗣後代縣催比之場負舊例原叅
不及一分年限內不全完降一級留任者罰俸
六月原叅一分年限內不全完降一級調用者
罰俸一年原叅二分三分年限內不全完降四
級五級調用者皆降一級留任再限一年催徵
如再不完照所降之級調用原叅四分五分年
限內不全完革職者降一級調用至原叅六分

以上年限內不全完者革職若有一場坐落兩縣者其場負兩地未完分數合算并案議處○又議準山東商人賣鹽完日即令繳銷殘引如過期不繳將該州縣照失察例議處如運使不揭報照狗庇例議處知情者加倍治罪○乾隆三年題準兩淮鹽課於二月奏銷四月考覈嗣後永著為例以歸畫一○四年覆準長蘆河東兩淮兩廣各道庫鹽課遇奏銷交代照閩浙之

例令管理鹽政大吏盤察○六年題準各省經徵鹽課督銷鹽引催徵各官能於奏銷前催徵全完或前官並未徵解接任官於奏銷前催徵全完總以一官全完一年課引者無論正署均照地丁錢糧全完例議叙其兩浙代徵場負處分本屬減輕不便與經徵官一例議叙嗣後兩浙代徵場負全完五萬兩以上者準其議叙五萬兩以下奏銷前全數通完統計兩年合算若

將兩年應徵之數徵收全完亦準其議叙通融
銷售地方不準議叙正課雖完本年帶銷之項
未完者亦不準議叙○十六年覆準滇省司井
各官及行鹽各屬經管鹽課款項交代時不能
依限完結多繫前任款項未清或竈戶領薪待
煎或鋪販轉銷未售煎收不及致後任不肯接
受應將前官任內已發薪本流滴及鋪販之鹽
並一切應行交代之項分別應追應接辦理○

又覆準滇省管井提舉大使等官繫專司督煎
其行銷責成各屬與井負無涉嗣後鹽課奏銷
管井督徵職名免其開列至兼管井務之知府
同知知州知縣大使等官有本任兼銷鹽者仍
照例開列至兼管鹽法之知府直隸州知州定
例原有議處議叙之條滇省鹽課奏銷自應遵
照定例開列其井官督煎有無情誤作何議叙
議處前例未經定議嗣後滇省井官如按年督

煎足額準照課款全完五萬兩以下議叙之例
紀錄一次若鹽井被水以致惰誤數至十萬斤
以內限二年五萬斤以內限一年不及三萬斤
限半年皆令趲補逾限不完將原督煎之數計
作十分按未完分數叅劾照鹽課未完分數例
議處其督催未完之鹽道亦照此例議處若非
被災偶因雨侵洶澹煎辦不敷分別多寡勒限
趲補如為數無多限兩月三萬斤以上至五萬

斤限半年五萬斤以上至十萬斤限一年逾限不完著落井官賠繳課款竈戶追繳薪本如課項延緩不繳即行咨叅照本身雜項錢糧不完例議處至於無故惰煎數至十萬斤以內咨叅到日照行鹽無術例罰俸一年至二三十萬以上即行題叅照溺職例革職著賠課銀追繳薪本若隱匿惰煎不按月造報者即照規避例報叅其課薪皆著落該負追賠至滇省各井款內

每年共應借墊薪本等銀四十萬兩除原題官
本六萬兩外其借墊借發銀三十四萬兩務令
於次年奏銷時催完入冊報部未完叅劾照雜
項錢糧例議處○十七年覆準長蘆商雇巡役
飭令各該州縣詳察實在需役若干定為額數
老病者更換病故者選補不必分隸營汛佐雜
衙門統歸該州縣管束以專責成以資巡緝不
許給票專差以致生事擾民其商雇看守灘坵

人役歸各該場負就近管轄○又覆準長蘆州縣如遇水旱災傷鹽引不能行銷經鄰邑代銷者該督及該鹽政據實聲明免其議處外若並非災歉之歲銷引不及分數雖經代銷仍按其未完分數叅處於次年詳加察覈以原叅分數為準如能比上年多銷一分即準其題請開復不能多銷或更不及上年分數除不準開復外仍按本年未完分數叅處統俟次年比較多則

均行開復少則仍令戴罪至本地督銷額引業
至八分以上其通融代銷僅止一二分者無庸
加以叅處○十八年覆準廣西官辦引鹽皆責
成知府督銷凡銷鹽解餉每半月一報本府稽
察如鹽引未完州縣官照例議處並將該管知
府叅劾按其所屬額引彙計分數俟戶部覈明
會吏部定議照州縣督銷商人鹽引未完例處
分其銷存鹽價即責成知府盤察如有虧空不

即揭報分別徇隱失察議處分賠

一鹽法禁例順治元年覆準場竈照額煎鹽大
使親驗按月開報運使如有隱匿以通同治罪
其商人不許濫委雜役行鹽水程填明賣銷地
方完日同引繳察不得告改或鹽引焚溺取具
地方官印結察實補買○八年

諭巡鹽御史及運司不許於額課外勒索侵剋如有貪
縱各官許商民首告治罪欽此○十三年題準鹽政

衙門不許商役互充○十四年題準勢豪不許
占攬引窩商舖不許自定價直如有專利害民
串通經紀攙賣勒索等弊該御史嚴行禁飭○
十六年題準商人載鹽大小船均用火烙印記
船頭不許濫行封捉○十六年議準將領衛所
官弁縱兵私販該州縣官緝拏揭報叅處○十
七年題準鹽場設立公垣場官專司啟閉凡竈
戶煎鹽均令堆貯垣中與商交易如藏私室及

垣外者即以私鹽論商人領引赴場亦在垣中
買築場官驗明放行倘有私販夾帶等弊該場
官役一并重處○又題準鹽船過關止納船料
如有藉端盤驗額外苛求者以枉法治罪○又
題準凡獲大夥私鹽必究訊窩家經紀所過地
方有無徇縱管鹽司道扶同不舉者一并叅究
不許以肩擔背負奇零小販塞責○又議準貧
民食鹽四十斤以下者免稅四十斤以上者仍

令納課○又覆準竈丁不許充當衙役○又覆準口外鹽不許侵入長蘆行鹽之地如有違越照私鹽叅處○康熙五年題準天津大沽鹽船出口巡鹽御史印給號票填明人數地方防汛官弁察驗放行如無印票及人數不符夾帶違禁貨物者拏獲治罪地方文武官弁疎縱者照所定出境例處分○七年題準州縣衛所官勒令百姓買引私派戶口銷鹽者革職司道府都

司不察報巡鹽御史管鹽巡撫失於覺察照例
議處○九年題準凡旗人販賣私鹽照例治罪
外其主繫官罰俸繫平人鞭責佐領內管領驍
騎校罰俸領催屯長鞭責其馬場牧人有犯私
鹽者領去之營總叅領等皆罰俸領催等各鞭
責○十五年題準各官該管界內有私煎販賣
者繫伊衙役革職繫軍民人等降調如旗人私
煎販賣本主自行拏獲者免議○十七年題準

興販私鹽文武失於緝捕者如不及十人或十人以上不帶軍器仍照例議處十人以上帶有軍器者專管官革職兼轄官降級留任限一年內緝獲一半以上者還職不能緝獲者照例降革該督撫巡鹽御史提督總兵官不題叅者照徇庇例議處若專管官一年內能獲大夥私販一次至五次者分別議叙兼轄官亦照例議叙○二十一年題準凡私鹽經沿途官兵捕快盤

獲者徇縱場官及失察官一并議處○二十七年覆準各場折課等銀令竈總分催各竈自封投匱如劣衿蠹役營充竈總包攬收納照包攬州縣錢糧例治罪○二十八年議準私梟全獲沿途失察武職免議○又議準武職拏獲別汛私梟者準予議叙○又題準鹽店設立小票私畜鹽丁槩行禁止有擅用者照違禁例治罪○三十年覆準十人以上帶有軍器興販私鹽繫

本汛將賊拏獲一半以上者失察各官照例免其處分其本汛雖未拏獲被別汛全獲者亦免其處分別汛雖拏獲少一二人者仍照例處分

○又覆準巡緝私鹽原繫運使專責令在所轄地方巡緝私鹽毋許差人別往他方巡緝藉端生事擾害地方挾制有司○三十三年議準運丁挾帶私鹽沿途各官失察謊稱出境者降調○四十四年題準嗣後興販私鹽事發該管吏

目典史知州知縣守備千把總等官失察一次
至三次者照例議處道府直隸州副將叅將游
擊等官失察一次至四次者照例議處運使運
同運判鹽場大使均繫專管鹽務之員以後竈
丁販賣私鹽大使失於覺察及知情者處分運
同運判照該管州縣官例處分運使照府道例
處分至關津過往回空糧船官座船如有夾帶
私鹽在船者將夾帶私鹽之人照興販私鹽例

治罪管船同知通判守備千總文武官弁知情
不知情分別處分○三十八年覆準江廣糧艘
回空至楊州關令押運官弁於該御史衙門先
遞報單總漕並該御史選委能負公同盤驗如
有夾帶私鹽將押運官弁失察各官一并叅劾
並令龍江等三關凡遇回空糧船到關亦一例
盤察如有私鹽即移報督撫御史會同題叅○
四十六年覆準私販致礙官引皆係積梟巨匪

所致嗣後鹽法衙門將私販之徒準其用刑拷訊除正罪外其餘不得濫用刑訊○四十七年覆準河南陳州舞陽等屬改食蘆鹽汝寧一府仍食淮鹽蘆商各守口岸毋得紊亂經制永遠遵行○又議準淮南綱鹽令該巡鹽御史親行盤察分銷船至江楚地方鹽道即給水程地方官不得藉名盤察需索那借○又覆準巡鹽御史到任差人坐守各場口名為緝私實即射利

急行裁革○又覆準私鹽之充斥皆由總商不
革官自為私各賣已鹽以圖一時之利令將總
商革去違者該督撫即行指叅○五十六年題
準兩淮河曲江汊湖港海濱地方皆繫私犯要
隘嗣後各省棍徒來境私販地方官失察照從
前九卿所定處分例處分其地方官有能拏獲
私販鹽千斤以上者將該管官弁覈實題請議
叙○雍正元年

諭國家欲安黎庶莫先於厚風俗厚風俗莫要於崇節
儉周禮一書上下有等財用有度所以防僭越禁驕
奢也孟子亦曰食時用禮菽粟足而民無不仁朕臨
御以來躬行節儉欲使海內之民皆敦本尚實庶康
阜登而風俗淳夫節儉之風貴行於閭里而奢靡之
習莫甚於商人朕聞各省鹽商內實空虛而外甚奢
侈衣服屋宇窮極華靡飲食器具畢求工巧俳優伎
樂恒舞酣歌燕會嬉遊殆無虛日金錢珠貝視為泥

沙甚至悍僕豪奴服食起居同於仕宦越禮犯分罔知自檢驕奢淫佚相習成風各處鹽商皆然而淮揚為甚使愚民尤而效之其弊可勝言哉司鹽政者宜約束商人嚴行禁止出示曉諭諄切勸戒使其痛自改悔庶循禮安分不致蹈僭越之愆而省一日之靡費即可以裕數日之國課且使小民皆知儆惕敦尚儉約於民生亦有裨益庶不負朕維風振俗之意若仍前奢侈不知悛改或經朕訪聞或經督撫叅劾商

人必從重治罪鹽政各官亦不能辭徇縱之咎欽此

○又議準杜絕糧船私販將為首旗丁按法重處○二年議準販賣私鹽交與地方官不時嚴加察緝除奇零肩賣者不必緝拏倘有大夥鹽梟督撫會同將軍撥旗兵協捕其私販為首之人與裝載私鹽之船戶拏獲一同治罪拏獲及出首之人照鹽數議叙○又議準令京口將軍分撥兵丁於揚子江之三江口瓜洲揚州口等

處巡察私鹽○又議準嗣後如有積梟藉稱貧民將私鹽潛行窩囤興販貿易者令地方官弁及鹽政衙門一同稽察○又覆準令各省管鹽督撫巡鹽御史將商人每年應完錢糧務於奏銷限內照數完納如有拖欠即將該商革退引窩別募殷實商人承頂所欠錢糧著落該商家產追賠其原出結各官交該部嚴加議處如有通同徇隱以欠作完等弊於發覺之日將該管

各官一并從重治罪○四年議準回空糧船經過產鹽所在該地方文武官弁不行力催任其逗遛與遊客囤戶等私相交易至有夾帶之事者將該地方文武官弁並押空官弁叅劾照例議處運丁遊客囤戶等照販賣私鹽人等例加等治罪該管鹽務運使等官掣鹽出場務將餘鹽嚴行巡察不許夾帶如有徇隱疎縱發覺之日將運使等官令該巡鹽御史照失察私鹽例

題叅議處其竈丁人等亦照販賣私鹽律治罪
○又覆準每年糧船回空之時於瓜洲江口分
委瓜洲營弁協同廳貲實力搜索○又覆準糧
船旗丁水手南北往返必須食鹽準其於受兌
上船處每船帶鹽四十斤於交卸回空處亦準
其帶鹽四十斤多帶者同私鹽例從重治罪○
六年議準拏獲私販本犯脫逃者即將裝帶私
鹽之脚夫水手拘獲到案詳究本犯踪跡勒限

務獲照例於私販上加治逃罪售與之人亦照
私販例治罪其脚夫水手分別懲治若大夥興
販照強盜例勒限嚴緝地方文武官弁照溺職
例議處○又議準拏獲私鹽務將人鹽數目據
實詳報如有將私鹽入已或與各役分肥不行
據實詳報並大夥拒捕之案以多報少者即將
該管官弁指名題叅計贓治罪其有未經侵匿
者照徇隱例處分上司知情故縱及雖不知情

未經揭叅或於別處發覺者將該上司照失察
例分別議處○又題準拏獲私鹽必詳究其買
自何地賣與何人一并取具確供照興販私鹽
例治罪若買自場竈將該管場司並沿途失察
各官題叅議處其不行首報之竈丁照販賣私
鹽例治罪倘承審官不究私鹽之來由草率完
結亦照例叅處○又議準嗣後拏獲私鹽計其
斤數之多寡定罪名之輕重如三十斤以下者

仍照例擬以杖徒三十斤以上者即照越境販
鹽例問發邊衛充軍○七年題準山東永埠等
場灘廣鹽豐率皆路積應於各場適中設立鹽
坵除計口量留食鹽外其餘鹽盡數運入官坵
按季造冊出結送運使察覈○乾隆元年

諭私鹽之禁所以除蠹課害民之弊大夥私梟每為
盜賊逋藪務宜嚴加緝究然恐其輾轉株連故律
載私鹽事發止理人鹽並獲其餘獲人不獲鹽獲

鹽不獲人者槩勿追坐至於失業窮黎肩擔背負
易米度日不上四十斤者本不在察禁之內蓋國
家於裕商足課之中而即以寓除姦愛民之道德
意如是其周也乃近見地方官辦理私鹽案件每
不問人鹽曾否並獲亦不問販鹽斤數多寡一經
捕役汛兵指拏輒根追嚴究以致挾怨誣攀畏刑
迫認干累多人至於官捕業已繁多而商人又增
私雇之捕水路又增巡鹽之船州縣毗連之界四

路密布此種無賴之徒藐法生事何所不為凡遇
姦商夾帶大梟私販公然受賄縱放而窮民擔負
無幾輒行拘執或鄉民市買食鹽一二十斤者並
以售私拏獲有司即具文通詳照律杖徒又因此
互相攀染牽連貽害此弊直省皆然而浙江尤甚
朕深為憫惻著各省督撫嚴飭各府州縣文武官
弁督率差捕實拏姦商大梟勿令踈縱其有愚民
販鹽四十斤以上被獲者照例速結不得拖累平

人至貧窮老少男婦擔負四十斤以下者槩不許
禁捕所有商人私設鹽捕巡船幫捕汛兵皆嚴飭
停止毋得滋擾地方俾良善窮民得以安堵欽此

○又題準六十歲以上十五歲以下及少年之
有殘疾者其婦女亦止老年而孤獨無依者許
其背負鹽四十斤易米度日如不合例之人槩
不許藉端興販其稽察之法令於本縣報名驗
實注冊給以印烙腰牌木籌每日卯辰二時赴

場買鹽擔賣一日止許一次並止許行陸路不許船載○又覆準沿河文武官弁凡糧船經過在於河干竭力稽察除留食鹽外其餘夾帶之鹽照私鹽例入官○十七年奏準長蘆堆鹽之地梟棍匪竊每肆偷扒以致商竈不敢多積令場負照例製造烏槍上刻場名編號注冊每灘坵發一二杆擇老成謹飭之役給與收執遇有匪竊施放恐嚇仍令該鹽政不時稽察如有輕

行施放者將該管場負照例叅處其各灘坵增造烏槍之時仍令冊報兵部察覈

一引目由單順治元年定寶泉局刊鑄銅版刷印鹽引每引納紙硃銀三釐附同正課交都轉運鹽使司按年解部以供刷印○三年差官督理淮浙引務加戶部侍郎銜駐劄揚州○六年鑄戶部鹽引印以鈐鹽引○七年停差督引部院仍令運鹽使司官吏赴部關領○十三年定

巡鹽御史先領二季鹽引赴任其二季仍委官
赴領○康熙十一年鑄戶部鹽茶銀印二顆鈐
鹽茶各引○十二年定長蘆山東河南兩淮兩
浙每年四季鹽引豫支戶部庫銀刷印交新差
御史帶往俟解到紙硃銀補庫○十六年題準
將長蘆各場竈戶地丁錢糧自十八年為始刊
刻由單分送本部戶科察驗給散各竈戶○二
十八年議準場竈向無全書刊刻易知由單易

於稽覈不必造賦役全書○三十年覆準鑄戶
部山東司鹽引之印二顆鈐各鹽引○三十五
年覆準鑄鹽引銅版長蘆十有一塊山東六塊
河東六塊兩淮十有四塊花馬大池一塊小池
三塊漢中府西和漳縣二塊兩浙八塊四川一
塊福建四塊兩廣八塊○六十一年覆準令寶
泉局照舊式鑄造新版六十四塊其模糊舊版
即交銷燬○乾隆六年題準鑄換鹽引新版六

十四塊其舊版即繳銷○十三年各省由單均解交戶部以備稽察○又題準新鑄鹽引銅版長蘆十有一塊山東六塊河東六塊兩淮十有四塊福建八塊兩浙八塊四川一塊兩廣八塊其花馬大小池西和漳縣毋庸鑄換舊版交與寶泉局銷燬○又定例各省鹽引每於歲終各該督撫鹽政差委官役赴部請領部按其請領之數刷印給發

引式

戶部為鹽法事山東清吏司案呈照得

某運司某

處鹽法題準各項事例已經通行遵奉訖所

有引目除場竈丁守禦官吏軍民權豪勢要

官運鹽貨偷取插和場戶運鹽攜帶軍器諸

人買食私鹽載鹽不用官船七款另文申飭

外其題定鹽斤繳引二款並行鹽地方合行

開列鑄造銅版印刷給付客商收執照鹽前

去發賣施行須至行者

一某處某運司凡客商賣鹽每引淨鹽若干斤為

一引給半印引目每引完納引價隨即給引

支鹽

一凡客商興販鹽賣不許鹽引相離違者同

私鹽追斷如賣鹽畢五日內不繳退引者杖

六十將舊引影射鹽貨同私鹽論偽造鹽引

者處斬

以上二款
各省同

一起運官鹽每引二百斤為一色經過批驗
所依數掣秤盤但有夾帶私鹽隨發有司
追斷客商貨賣官鹽自揚子江至湖南襄鄭
皆依經過官司辨驗鹽引如無批驗所掣摺
印記者笞五十押回盤驗

此款止載兩淮鹽引內

右引客商

收執照鹽準此

另文申飭七款

一各場竈丁除正額鹽外將餘鹽夾帶出場

及私煎貨賣者絞兩鄰知私煎而不首者杖一百充軍

一凡守禦官吏巡檢司巡獲私鹽皆發有司審問犯人絞有軍器者斬鹽貨車船牲畜入官引領牙人及窩藏寄放者杖一百發烟瘴地面充軍自首者免罪常人捉獲者賞銀十兩仍究何場竈戶所賣依律處斷運鹽司盤獲私鹽隨發有司追斷不許擅問有司通同

作弊脫放與犯人同罪

一凡諸色軍民權豪勢要人等乘坐私鹽船不服盤驗者杖一百軍民發煙瘴地面充軍有官者依律斷罪罷職

一將官運鹽貨偷取或將砂土插和抵換者計賊比常盜加一等如繫客商鹽貨以常盜論若商人將所買官鹽插和砂土貨賣者杖八十

一起運官鹽並場戶般運上倉將帶軍器者
並行處斬

一諸色人買私鹽食用者減犯私鹽人罪一
等因而販賣者處絞

一各處運載官鹽許用官船轉運如竈戶鹽
丁用別船裝載即同私鹽科斷

欽定大清會典則例卷四十六

欽定四庫全書

欽定大清會典則例卷四十七

戶部

關稅上

一直省關稅以乾隆十八年奏銷冊計之共四百三十二萬四千有五兩有奇

一

京師崇文門稅十萬二千一百七十五兩有奇凡

直省商貨入京均分地道按數科稅照部頒見
行條例徵收

一左翼右翼稅各萬兩凡八旗買受田房皆驗
契鈐印計價每兩收稅銀三分牲畜之陳於街
市者計價亦每兩收稅三分入店則按牲畜之
大小徵收

一通州分司稅即坐糧廳一萬二千六百四十七兩

有奇凡水陸貨物皆計價科稅伏地貨每價一

兩徵銀八釐起京貨每價一兩徵銀三釐惟糯
米按石牲畜按數油進店出店按簍麵進店出
店按塊通州張家灣酒糖鋪零剪紬絹鋪分別
上中下三行按月科稅均照部頒見行條例徵
收

一直隸天津關

舊為河西務
康熙元年改

稅七萬四千五百

六十九兩有奇凡往來商貨有正稅商稅二項
正稅各按出產地道計數徵收商稅按物價每

兩徵銀四分均照部頒見行條例船稅按梁頭

六尺徵銀六錢二分七尺七錢二分八尺八錢

九尺九錢二分一丈一兩二分丈一尺一兩一

錢二分丈二尺一兩三錢丈三尺一兩六錢八

分丈四尺二兩一錢八分丈五尺二兩五錢八

分丈六尺二兩九錢八分

河西務民駁船運糧抵通舊徵糧料雍正

二年改於通州徵收乾隆二年免稅

一山海關稅三萬二千二百兩凡陸路往來及

海洋進口商貨均分地道按斤斤件副箱篋包
擔料稅有論車馱者各因其物照部頒見行條
例徵收船料梁頭五尺徵銀九分二釐六尺一
錢五分九釐七尺二錢二分九釐八尺二錢八
分七釐九尺四錢二分一釐一丈九錢八分六
釐丈一尺一兩一錢四分六釐丈二尺一兩三
錢六釐丈三尺一兩四錢九分六釐丈四尺一
兩六錢七分八釐丈五尺一兩八錢六分四釐

丈六尺二兩四分六釐丈七尺二兩二錢九釐
丈八尺二兩六錢一分五釐民船加倉每倉二
兩糧馬倉口每倉三兩竹木牌筏每甲一錢大
為牌小
者為甲

一張家口稅二萬兩殺虎口稅萬六千九百十
有九兩有奇潘桃口稅七千六百四十五兩古
北口稅二千六百九十九兩胡納胡河稅二千
有三十兩輝發穆欽稅二百八十兩白都訥稅

二百有七兩凡牲畜計價直每兩收稅銀三分
貨物分地道照部頒見行條例徵收

一龍泉紫荊獨石等關口稅四千三百有六兩

有奇繫落地稅地方官
隨時酌收無定例

一奉天牛馬稅四十八十八兩凡旗民貿易牛

馬駝羸計價一兩收稅銀三分驢每頭收小數

錢七百文以制錢三十
三文為一百每羊收稅銀五分豬計

價每十錢收小數錢三十文邊豬謂販
來者收小數

錢百文圈豬

謂自畜者

收小數錢九十文

舊例屠戶飯舖別徵

湯稅乾隆四年革除

一鳳凰城中江稅三千二百九十四兩凡朝鮮

國貢使往還與內地客商互相貿易不拘何項

貨物內地商人計價一兩收稅銀三分朝鮮人

免稅

一山東臨清關稅四萬三千三百有五兩有奇

凡商貨按部頒見行條例徵收船稅有隨單料

梁頭丈六尺徵銀一兩九分丈四尺七錢六分
丈二尺五錢三分八尺小料一錢一分空民船
三錢三分三釐有奇人載船九錢五分一釐有
奇又有單料船按正補二料丈一尺徵銀二兩
六錢八分丈二尺二兩八錢三分丈三尺二兩
九錢七分丈四尺三兩一錢一分丈五尺三兩
三錢七分丈六尺三兩六錢一分鹽船按正補
二料丈一尺徵銀一兩八分丈二尺一兩二錢

三分丈三尺一兩三錢七分丈四尺一兩五錢
一分丈五尺一兩七錢七分丈六尺二兩一分

舊例長船五尺納鈔十五貫自六尺至九尺每
尺加十五貫一丈一百十有五貫丈一尺一百
六十五貫丈二尺一百九十貫丈三尺四尺各
加二十貫丈五尺二百五十五貫丈六尺三百
貫雜船五尺納鈔十貫六尺七尺各加五貫八
尺三十貫九尺四十五貫一丈至丈四尺各加
三十貫丈五尺二百五十貫丈六尺三百貫每
鈔一貫折銀三釐一毫七絲三忽雍正六年更
定新 米麥雜糧照許墅關例籤量計石米麥每
石徵銀二分二釐雜糧一分一釐補鈔每貫折

銀三釐又米麥雜糧按正補二料按船之梁頭

丈一尺徵銀五兩五錢六分丈二尺五兩七錢

一分丈三尺五兩八錢五分丈四尺五兩九錢

九分丈五尺六兩二錢五分丈六尺六兩四錢

九分舊例小麥雜糧補料按船之梁頭丈尺徵收五尺至七尺均照船料丈二尺補稅八

尺九尺均照船料丈四尺補稅一丈至丈六尺均照船料丈六尺補稅亦計鈔折銀雍正六年

更定新例○工關稅四千五百七十二兩有奇稅銀解部

例見工部

一山西武元城稅一千二百三十一兩有奇稅銀

解部例
見工部

一江蘇海關稅七萬七千五百有九兩有奇凡
商販內地貨物出洋及販外洋貨物進口者按
斤足箇件連副雙隻條把包篾木按根按圓板
按塊科稅船料每出洋科稅一次梁頭一丈以
外至二丈每尺徵銀一兩二丈以外每尺二兩
貿易捕魚船每年徵收二次梁頭一丈以內每

尺徵銀一錢五分一丈以外每尺二錢二分五釐折收分數安南商船進口出口均七折徵收東洋商船進口六折出口不論貨物槩徵銀百二十兩閩廣商船三月至八月進出均七折徵收九月至二月進出均五折徵收山東閩東商船並各口貨稅均八折徵收優免分數安南閩東山東商船均優免十分之一東洋閩廣商船均例免五分優免五分

乾隆二年定

一游墅關稅四十九萬五千二百二十六兩有

奇凡商船貨物有籤量作擔科稅者

雍正六年定

大

梁頭船前後量面廣腰廣底廣與深長因乘加

五算活梁頭江駁船量兩邊齊釘花與深長因

乘加五算活梁頭江舩船量濶搭一邊放一邊

與深長因乘加五算活梁頭內江船量濶兩邊

齊釘花與深長因乘加四算正江小欄水船量

濶兩邊齊釘花與深長因乘加四算小江舩船

量濶搭一邊放一邊與深長因乘加四算正江
擺江船量濶兩搭不放與深長因乘加三算外
江船量濶頂一邊搭一邊如焦湖采石四川三
處船量濶搭一邊放一邊齊釘花與深長因乘
均加三算山船前後兩籤深兩籤量濶與長乘
加三算邵伯山船前後兩籤深居中量濶與長
乘加三算山舩船在桅前量一寬與深長因乘
加三算老太湖船量濶兩搭不放與深長因乘

加三算新太湖船量濶在桅門搭一邊放一邊
與深長因乘隨深加算三尺起至三尺五寸深
加三算三尺六寸起至四尺五寸深加四算四
尺六寸以上加五算划灘盪板光福尖頭船同
前籤量隨深加算扁淺划灘船量濶兩搭不放
鹽濶頭船裝米貨量濶兩搭不放與深長因乘
加四算米麥豆每擔徵銀四分稻穀大麥四折
蠶豆每擔五分豆餅八折麻菜餅七折各貨視

其貴賤自加三至對折籤算每擔徵銀四分至
七分一錢一分一錢二分有按擔科稅者各貨
視其貴賤以包捆箱筭藍簍塊角雙隻箇段之
多寡斤數之重輕合擔每擔徵銀自四分至八
分一錢一分一錢二分布計足典衣計包帽悅
帶計箱計盒計斤合擔每擔徵銀二錢二分綑
段絲緯絨繭計斤合擔每擔徵銀二錢六分具
奇零雜物計數計斤徵稅有差鹽船官鹽無稅止收船料

梁頭七尺徵銀一兩五錢八尺二兩九尺二兩
五錢一丈四兩丈一尺五兩五錢丈二尺七兩
丈三尺八兩丈四尺九兩丈五尺十兩丈六尺
十有一兩丈七尺十有二兩丈八尺十有三兩
一淮安關稅三十二萬五千一百六十三兩有
奇凡商貨計擔料稅者為多有計足塊副件駄
捆者各因其物自徵銀一分至三兩均按部頒
見行條例徵收船稅有整單分單二項整單按

船之大小梁頭四尺徵銀六錢四分五尺八錢
六尺一兩六錢一次輸稅給票準其往回照驗
以一年為滿分單按載貨之多寡貨足梁頭四
尺徵銀一錢六分五尺二錢六尺四錢六尺有
半八錢凡過關皆稅船大載少者按貨計算自
北南下者載貨二三十石亦納四尺分單無貨
者免徵○北鈔梁頭每尺二錢五分
長山白洋
新河後湖
四分口為北鈔凡船載
雜貨雜糧按梁頭輸稅
米麥豆每石徵銀五分

小米糯米
蕎麥同

芝麻每石六分○廟灣稅淮關分口凡商

貨按斤足條件徵收船稅空重船均按梁頭尺寸報納準其往回照

驗一年為滿 梁頭三尺五寸徵銀四錢五分五釐四

尺六錢四分五尺八錢六尺一兩六錢七尺一

兩九錢八分四釐八尺二兩四錢九尺二兩八

錢五分一丈三兩六錢六分七釐丈一尺四兩

四錢丈二尺六兩丈三尺七兩八錢丈四尺九

兩三錢三分四釐丈五尺十有二兩五錢丈六

尺十有四兩九錢三分四釐丈七尺十有七兩
丈八尺十有八兩買捕魚船每年徵收二次梁
頭一丈以內每尺徵銀一錢五分一丈以外每
尺徵銀二錢二分五釐豆每石徵銀四分小麥
芝麻雜糧每石徵銀二分大麥蘆粟蕎麥每石
徵銀五釐○淮倉清江廠均淮關兼管商貨亦計擔
料稅為多有計斤疋塊件者自三毫九絲至三
錢八分六釐均按部頒見行條例徵收○宿遷

工關稅四萬八千八百八十四兩

稅銀解部
例見工部 ○

一揚州關稅二十萬一千九百八兩有奇凡商

船貨物按包捆籃簍箱箬擔馱分別精麤合梁

頭丈尺料稅梁頭五尺徵銀九分二釐六尺一

錢五分九釐七尺二錢二分九釐八尺二錢八

分六釐九尺四錢二分一釐一丈九錢八分六

釐丈一尺一兩一錢四分六釐丈二尺一兩三

錢六釐丈三尺一兩四錢九分六釐丈四尺一

兩六錢七分八釐丈五尺一兩八錢六分四釐
丈六尺二兩四分二釐丈七尺二兩二錢九釐
丈八尺二兩六錢一分五釐加倉每倉二兩以
六倉為滿糧馬倉口每倉三兩以五倉為滿如
貨物應徵銀九分二釐者即合梁頭五尺接算
至丈六尺為平料平料之外多一兩為半倉二
兩為一倉船重貨多照例外加鹽船每船徵銀
一兩六錢一分五釐駁鹽船每引徵銀一分竹

木每甲徵銀一錢石竹二帖作一甲徵銀一錢
餅豆米麥芝麻菜子每擔徵銀二分船重稅多

又從遠地來者寬減二成○瓜州

揚關兼管

凡商

船貨稅有由牐過壩操餉撫餉由牐米麥豆等

貨一百七十擔至三百擔三折四五百擔四折

六百擔五折七百擔六折八百擔七折八百擔

以外均八折折淨五十擔合五尺梁頭至一百

六十擔合丈六尺梁頭為滿料每尺徵操餉銀

二分撫餉銀二分下水魚蛋等貨七十擔以上
均三折折淨二十五擔合五尺梁頭八十擔合
丈六尺梁頭上水糖紙等貨三十擔以上均三
折折淨十擔合五尺梁頭一百二十擔合丈六
尺梁頭滿料外凡有餘擔皆免徵別徵撫增斛
扣各稅棗貨折算與米麥同梁頭擔數與魚蛋
同如不由船擔運過壩應報入境卸載天字操
撫餉梁頭自七尺起出境裝載地字操撫餉梁

頭自八尺起均至丈六尺為滿料其法驗揚關
鈔票一丈者作過壩操撫餉梁頭卸載七尺裝
載八尺丈七尺者作卸載丈一尺裝載丈二尺
按尺科稅不及丈尺免徵滿料外凡有餘擔皆
不加尺米麥豆止徵裝載梁頭卸載免徵又有
由牕撫餉凡上下水貨船依前折淨百擔內作
梁頭五尺百擔至二百擔六尺二百外至三百
九十擔七尺四百至四百九十擔八尺五百至

九百擔九尺九百外至千擔滿丈依此遞加至
千六百擔作丈六尺為滿料每尺徵銀七分五
釐又照折淨擔數每擔徵銀一釐滿料外凡有
餘擔皆不加尺惟每擔徵銀一釐無貨空船每
尺徵銀二分五釐又有由牐斛脚扣餉亦依前
折淨擔數每擔徵銀六毫又有由牐增餉凡貨
物折算有不足前操餉撫餉梁頭五尺者亦依
前折淨擔數分別精麤按擔料稅其有闕例未

載雜貨聽客商照時價作本銀每本銀一兩徵
銀二分一釐又有三汊河瓜州由牕過壩河餉
由牕上下水貨船依前操撫餉折淨擔數合梁
頭五尺至丈六尺滿料每尺徵銀五分過壩凡
報卸載操撫餉梁頭一丈至丈六尺者均作梁
頭五尺亦每尺徵銀五分不足卸載操撫餉梁
頭一丈者免徵空船梁頭五尺徵銀七分五釐
六尺一錢一分三釐七尺一錢七分五釐八尺

二錢二分五釐九尺二錢八分八釐滿丈六錢
四分八釐竹木均一甲徵銀二錢又河餉每銀
一兩加耗八錢操撫增斛扣四餉每銀一兩加
耗五錢

一西新關

舊繫西新龍江二關西新隸戶部龍江隸工部相隔二十里康熙二十八

年合為一關以
免商民守候

稅十有二萬九千九百十有五

兩有奇凡水陸舟車所載貨物經由江寧府各
城門口岸者都稅司收出城稅龍江江東朝陽

聚寶四司收進城稅均分別貴賤按斤料稅有
按箇件條把連副箱簾船擔者各因其物又龍
江江東二司收進城夏布稅按疋聚寶通濟等
六門酒稅按駄抽分廠太平神策等五門下關
趙溝王溝浦口江浦烏江石磧等口岸牛驢羊
豕稅按數又茶引所收進城茶稅按細茶中茶
其茶芽月鈔北城四季餘四城春冬按月都稅
等五司各行經紀納鈔按季皆照部頒見行條

例徵收又龍江司船契稅造船按契價一兩收
銀三分折船照估價一兩收銀二分五城地租
每年額徵銀千七百十有四兩三錢八分五釐
有奇船鈔每年額徵銀六十兩皇廠河湯稅每
年額徵銀二十兩四錢○龍江工關稅五萬七
千六百七十兩有奇

稅銀解部
例見工部

一安徽鳳陽關稅二十八萬七千九百二十兩
有奇凡水陸舟車所載貨物各分水旱稅徵收

正陽大關水稅船貨按梁頭丈尺梁頭七尺徵
銀三錢七分三釐七尺五寸五錢五分八尺五
寸七錢四分九尺二寸一兩一分九尺四寸一
兩一錢二分九尺五寸一兩二錢二分九尺七
寸一兩三錢二分丈有二寸一兩六錢丈有四
寸一兩七錢三分丈有五寸一兩八錢丈有七
寸一兩九錢二分丈一尺二寸二兩二錢丈一
尺四寸二兩二錢九分丈一尺五寸二兩四錢

丈一尺七寸二兩五錢二分丈二尺二寸二兩
七錢七分丈二尺四寸二兩九錢丈二尺五寸
二兩九錢六分丈二尺七寸三兩一錢一分丈
三尺二寸三兩三錢六分丈三尺四寸三兩五
錢一分丈三尺五寸三兩五錢七分丈三尺七
寸三兩六錢七分丈四尺二寸四兩八分丈四
尺四寸四兩一錢五分丈四尺五寸四兩二錢
一分丈四尺七寸四兩二錢九分丈五尺二寸

四兩六錢三分丈五尺四寸四兩六錢九分丈
五尺五寸四兩七錢六分丈五尺七寸四兩八
錢八分丈六尺二寸五兩一錢六分丈六尺四
寸五兩二錢五分丈六尺五寸五兩三錢五分
丈六尺七寸五兩四錢四分丈七尺二寸五兩
七錢二分丈七尺四寸五兩八錢六分丈七尺
五寸五兩九錢二分丈七尺七寸六兩五分丈
八尺六兩二錢六分以上各增銅斤銀照前數

加五徵收

康熙二十年定

其不滿載參差不齊之貨

按包捆貴賤定應納稅銀謂之關上雜貨例其

自光州載來雜貨因有路遠避大關者比關上

例酌減銀數招商

康熙四十九年定

均以四分合為一

擔三十擔以外六十擔以內者每擔徵銀四分

五釐六十擔以外者每擔五分不收腳價竹木

按件徵收每稅銀一兩加腳價五錢米麥雜糧

船按梁頭合石梁頭八尺五寸合糧六十石九

尺二寸七十石九尺四寸七十五石九尺五寸
七十七石九尺七寸八十石丈有二寸九十石
丈有四寸九十五石丈有五寸九十七石丈有
七寸百石丈一尺二寸一百十石丈一尺四寸
一百十有四石丈一尺五寸一百二十石丈一
尺七寸一百二十六石丈二尺二寸一百三十
八石丈二尺四寸一百四十五石丈二尺五寸
一百四十八石丈二尺七寸一百五十五石丈

三尺二寸一百六十八石丈三尺四寸一百七
十五石丈三尺五寸一百七十八石丈三尺七
寸一百八十三石丈四尺二寸二百四石丈四
尺四寸二百七石丈四尺五寸二百十石丈四
尺七寸二百十有四石丈五尺二寸二百三十
一石丈五尺四寸二百三十四石丈五尺五寸
二百三十七石丈五尺七寸二百四十四石丈
六尺二寸二百五十八石丈六尺四寸二百六

十二石丈六尺五寸二百六十七石丈六尺七寸二百七十二石丈七尺二寸二百八十六石丈七尺四寸二百九十三石丈七尺五寸二百九十六石丈七尺七寸二百九十八石以豫斛三百石為丈八尺滿料均照貨船梁頭丈尺徵收計豫斛三百石徵原額並銅斤銀九兩三錢九分每石合三分一釐三毫

康熙三十四年定

如滿料

外多豫斛五十石加一倉收稅銀二兩減半者

加半倉再多者照倉遞加其不足梁頭八尺五

寸不足六十石者為小販每豫斛一石徵銀三

分

正陽客商糧食多販自河南光州固始故照豫斛徵收豫斛三百石即淮斛五百石豫斛

五百石即淮斛八百三十三石三斗有奇各口仿此康熙三十四年定

梁頭加倉

小販每稅一兩外徵腳價銀四錢六分

康熙四十五年

定 滿料加倉之船載貨過重外帶駁船以防淮

河風險者名為風水駁船照本船原石數每石

徵銀五釐其不足一丈八尺之船因載重願雇

駁船亦同此例過關已稅之貨別商轉販者有
關下裝船例亦按梁頭丈尺徵收寬其石數梁
頭八尺五寸合豫斛七十石九尺二寸八十石
九尺四寸九十石九尺五寸百石九尺七寸一
百十石丈有二寸一百二十七石丈有四寸一
百三十八石丈有五寸一百四十三石丈有七
寸一百五十二石丈一尺二寸一百七十五石
丈一尺四寸一百八十三石丈一尺五寸一百

九十一石丈一尺七寸二百有一石丈二尺二寸二百二十一石丈二尺四寸二百三十一石丈二尺五寸二百三十六石丈二尺七寸二百四十八石丈三尺二寸二百六十八石丈三尺四寸二百八十石丈三尺五寸二百八十五石丈三尺七寸二百九十三石丈四尺二寸三百二十六石丈四尺四寸三百三十一石丈四尺五寸三百三十六石丈四尺七寸三百四十二

石丈五尺二寸三百六十九石丈五尺四寸三百七十四石丈五尺五寸三百八十石丈五尺七寸三百八十九石丈六尺二寸四百十有二石丈六尺四寸四百十有九石丈六尺五寸四百二十七石丈六尺七寸四百三十二石丈七尺二寸四百五十六石丈七尺四寸四百六十八石丈七尺五寸四百七十三石丈七尺七寸四百八十三石以豫斛五百石為丈八尺梁頭

之滿料原額並銅斤共徵銀九兩三錢九分如
滿料之外多豫斛八十石加一倉收銀二兩不
足梁頭之小販每石徵銀一分八釐稅銀一兩
收脚價銀四錢六分其滿料加倉船外帶駁船
亦照原石數每石徵銀五釐若糧粗貨賤划船
所載微本小商盱眙澗溪已稅之船壽州河口
上水船有支河遶避下水船不過正陽願到關
輸稅者以及蕎麥折麪稻折米之類按梁頭丈

尺由九折遞減至五折徵收

康熙四十九年定

旱稅凡

車載貨物視其貴賤按箱簍擔件及斤數徵收

康熙二十一年定 其按駄徵收者因正陽西有旱路遶

避減稅招商羸駄徵銀四錢驢駄二錢不足駄

者徵半

康熙五十二年定

○臨淮

正陽分口

水稅按船之桅

封

即桅倉

丈尺自七尺起至一丈八尺止桅封一

丈徵銀二兩二錢

原額一錢五分康熙二十五年增銅斤銀加倍每增減一

尺各增減銀三分四十五年因銅斤水脚不敷增至今數 每增減一尺各增

減銀三分八尺以外至九尺者八九尺桅七尺
至八尺者為小販自正陽來滿料船帶有駁船
駁貨者亦照桅封例報納船料小販糧食不足
桅封者論石徵收豫斛一石徵銀三分落地貨
已經別口納稅者每石徵銀八釐未經別口報
稅者徵銀二分上流已報船料至此起卸由陸
路他往或本地小商裝煙葉蘇木等貨往亳州
報納者每船止徵船料銀五錢三分若本地糧

食裝載即照正陽梁頭例徵收秣麥大麥照米
七折稻穀五折不足梁頭之小販每石徵銀三
分旱稅凡陸路往來貨物視其貴賤各按馱擔
箱包簍及按斤按件徵收其零星船貨不足桅
封及米糧等船帶來雜貨竹木與陸路貨至此
落地發賣者均照旱稅之例徵收至鳳陽府城
落地貨因非通衢免徵康熙五十五年定○長淮正陽分口
水稅自亳州裝來不足船料五錢三分及自正

陽懷遠裝來各貨布按落地卸載

換車他往

過載別

轉販

餘按箱包按斤竹木按箬按件徵收

康熙三十四年

定

本地糧食裝載照正陽梁頭例黍秫大麥稻

穀折米與臨淮同不足梁頭之小販每石徵銀

二分旱稅陸路貨止經本口不往別口報稅及

水路貨載往亳州稅不足船料五錢三分並裝

往正陽小販均照臨淮旱稅之例○盱眙

正陽分口

水稅貨船照正陽梁頭原額並加五銅斤之數

糧食船自臨淮以下未經別口報稅者照關下
裝船梁路合石之數不徵加倉不足梁頭之小
販及落地發賣者每石徵銀一分五釐已經正
陽等處報稅者無徵如下淮船轉販徵一過載
每石銀一分若遶道由澗溪者盱眙照本口梁
頭例小販每石徵銀二分從正陽載來山麻及
油照旱稅例有下淮船轉販亦照梁頭例小販
麻三十捆以內每捆徵銀一分油二十簍以內

減旱稅之半其從正陽等處載來雜糧及麻菜
餅麪照旱稅徵收不徵船料從臨淮以下不經
別口報稅者並徵船料下淮回船載貨者亦照
旱稅之例旱稅按箱匣包簍馱擔及按斤按數
徵收有遠僻路由濶溪者稅同○亳州正陽分口無
水稅凡水陸貨物別口止報船料者至此按箱
匣包捲簍簍馱擔斤件徵收已報細稅者無徵
本口發賣者徵落地稅○懷遠正陽分口水稅貨物

糧食照關下裝船梁頭例徵收滿料外有餘石
及不足梁頭之小販每石徵銀二分本地賣載
買載小販每石一分旱稅相近集場未經別口
報稅貨物照正陽旱稅之例若過往商船止於
譏察無徵○蚌埠正陽分口與懷遠例同足梁頭者
照關下裝船梁頭例滿料外有餘石及不足梁
頭之小販每石徵銀二分若載往亳州報細稅
者止徵船料銀八錢八分其南來貨物由此雇

船往正陽並正陽貨船進此口者因正陽止報

船頭又按包捲箱簍捆擔及按斤按數竹木按

簾徵收

康熙二十一年定

過往商船止於譏察無徵○

一蕪湖關稅三十一萬六千八百二十五兩有

奇凡商船貨物滿載者分加料平料下料三等

按梁頭丈尺徵收加料貨物梁頭六尺徵銀十

有五兩自六尺至八尺每五寸加二兩四錢每

一尺加四兩自八尺至九尺每五寸加二兩七

錢每一尺加四兩五錢自九尺至一丈每五寸
加二兩七錢每一尺加五兩五錢計徵銀三十
三兩丈有五寸加十兩七錢自丈有五寸至丈
五尺每五寸加二兩七錢計徵銀六十八兩丈
五尺五寸加十七兩一錢丈六尺又加二兩七
錢自丈六尺至二丈每五寸加三兩六錢每一
尺加六兩六錢計徵銀一百十有三兩自二丈
至二丈五尺加數如之內有應減徵者六尺減

銀一兩五錢七尺八尺一兩八錢一丈二兩八
錢丈有五寸至二丈三兩六錢平料貨物梁頭
六尺徵銀五兩六錢五分自六尺至七尺五寸
每五寸加九錢計徵銀八兩三錢五分八尺加
一兩三錢五分自八尺至九尺每五尺加九錢
自九尺至一丈每五寸加一兩一錢計徵銀十
有三兩七錢丈有五寸加四兩九錢五分丈一
尺又加一兩一錢計徵銀十有九兩七錢五分

自丈一尺至丈五尺每五寸加一兩六錢五分
每一尺加二兩七錢五分計徵銀三十兩七錢
五分丈五尺五寸加九兩九錢丈五尺五寸至
二丈每五寸加一兩六錢五分計徵銀四十五
兩五錢自二丈至二丈五尺加數如之內有應
減徵者六尺至九尺減銀九錢九尺五寸至滿
丈一兩一錢丈有五寸至丈一尺一兩二錢丈
一尺五寸至二丈二兩二錢下料貨物梁頭六

尺徵銀八錢五分六尺五寸一兩七尺一兩二
錢自七尺至滿丈每五寸加三錢計徵銀三兩
丈有五寸加一兩五錢八分自丈有五寸至丈
二尺五寸每五寸加四錢五分計徵銀六兩三
錢八分丈三尺加六錢七分自丈三尺至丈五
尺每五寸加四錢五分計徵銀八兩八錢五分
丈五尺五寸加二兩七錢丈六尺加四錢五分
自丈六尺至二丈每五寸加六錢七分五釐每

一尺加一兩一錢二分五釐計徵銀十有六兩
五錢自二丈五寸至二丈五尺加數如之內有
應減徵者六尺五寸減一錢五分七尺二錢七
尺五寸至滿丈三錢丈有五寸至二丈九錢又
土著土鈔梁頭六尺徵銀四兩二錢七尺六兩
一錢八尺七兩九錢九尺九兩七錢滿丈十有
一兩五錢丈一尺十有三兩七錢丈二尺十有
五兩九錢丈三尺十有八兩一錢丈四尺二十

兩三錢丈五尺二十二兩五錢若船貨不滿載者按擔科稅其細貨零貨則按斤件包皮土著色布絲絨等貨皆按斤件每稅一兩加銅斤銀一錢六分不足二百擔者為零單每稅一兩加銅斤並水腳銀三錢足二百擔者為大單每稅一兩加銅斤並水腳銀五錢四分若零貨稅銀不及一錢擔負小販不由水路空船麥穀米鹽柴炭煤草糞田草雞毛農具等船及鮮瓜果丁

香土鹵之類皆免稅茶船有引者歸茶稅別徵

別解○金柱口

蕪湖分口

照例徵收每稅一兩加銅

斤並水腳銀四錢○裕溪

蕪湖分口

照例徵收每稅

一兩加銅斤並水腳銀一錢六分○泥汊

蕪湖分口

江廣上流商貨就便入此口輸稅者其應加銅

斤水腳銀照大關之例近地出產之貨每稅一

兩加銅斤水腳銀四錢河南及本省廬鳳出產

之貨南行入江可避大關如轉至此口輸稅每

稅一兩加銀一錢六分○工關稅七萬一百四

十六兩有奇

稅銀解部
例見工部

一江西九江關稅三十五萬四千二百三十四

兩有奇凡官商鹽茶有徵客商貨物除竹木輸

稅外餘皆無徵惟科船料船分各類均量寬深

及長以別號數以定稅之重輕將銀數填注印

單實貼各船後倉並用火印鈴烙船板以備下

次過關稽察

雍正九年定

船之大者頭號徵銀四十

八兩五錢辰船駁船大漿船大廣船大襄船竹
山船二號減徵銀五錢三號以下各減一兩至
八號止撫船大斗船大鷗子船方稍船大黃船
大敞梢船頭號二號又各分十號三號又分四
號計二十四號二號減五錢三號至十九號遞
減一兩二十二號各減五錢二十二號至
二十四號又遞減一兩其次大座船頭號徵銀
四十六兩大扁船頭號徵銀四十兩自二號以

下遞減一兩至八號止大划船頭號分十號二
號分八號計十八號第一號徵銀四十三兩二
號至十三號遞減一兩十四號十五號各減五
錢十六至十八號又遞減一兩柏木船頭號分
十號至二號之一計十一號第一號徵銀三十
六兩自二號至六號遞減一兩七號八號各減
五錢九號以下又遞減一兩湖南船頭號徵銀
三十兩五錢二號減五錢三號減一兩至五號

止大鴉尾船頭號徵銀三十兩二號減一兩至四號止以上船有再大於頭號及帶有小五船

者

繫大船隨帶之小船僅載五人

均徵銀四十八兩五錢不分

號數其餘無小五船者各按丈尺分定號數編徵稅銀又其次船頭號徵銀十有六兩九錢划船巴斗船自頭號至十五號各分十號十六號分三號計一百五十三號鴉尾船十五號中撫船十四號各分十號計一百五十號一百四十

號鷗子船頭號至十三號各分十號十四號分
五號計一百三十五號采石船臨江船頭號至
十三號各分十號十四號分四號計一百三十
四號桐槽船十三號各分十號計一百三十號
渡船頭號至十二號各分十號十三號分五號
計一百二十五號漁船頭號至十一號各分十
號十二號分五號計一百十五號下江黃船頭
號至十號各分十號十一號分五號計一百有

五號三板船頭號至九號各分十號十號分四
號計九十四號中辰船頭號至八號各分十號
九號分九號計八十九號鎮江沙船焦湖船頭
號至八號各分十號九號分五號計八十五號
鰵船八號各分十號計八十號以上均自二號
減徵銀四錢三號至五號遞減五錢五號以下
遞減一錢瀨子船頭號至十一號各分十號十
二號分三號計一百十三號一號徵銀十有六

兩二號三號各減五錢四號以下遞減一錢燕
湖船十四號各分十號計一百四十號宋埠船
十四號各分十號至十五號之一計一百四十
一號搖船扶梢船頭號至十三號各分十號搖
船至十四號之五扶梢至十四號之一計一百
四十五號一百四十一號江窩船十一號各分
十號至十二號之一計一百十有一號其頭號
均徵銀十有五兩三槩船九號各分十號計九

十號巴干船八號各分十號至九號之一計八
十一號其頭號均徵銀十有四兩車牌船十一
號各分十號十二號分八號計一百十有八號
豐城船十一號各分十號至十二號之一計一
百十有一號宣船十號各分十號至十一號之
六計百有六號其頭號均徵銀十有三兩奉新
船十號各分十號十一號分六號計百有六號
頭號徵銀十有一兩兩尖船九號各分十號計

九十號頭號徵銀十兩中扁船七號各分十號
計七十號滿江紅船五號各分十號至六號之
一計五十一號頭號均徵銀八兩木水船二號
各分十號三號分九號計二十九號頭號徵銀
三兩以上均自二號以下遞減銀一錢課船丈
尺無異均徵銀十有三兩五錢帶脚船者正課
脚船徵銀四錢外課脚船五錢鹽船不論丈尺
號數無小五船者徵銀四十八兩五錢有小五

船者五十七兩帶脚船者每船徵銀一兩多者按數加稅差船有火牌勘合者不徵船料無火牌勘合者與茶船魚苗船皆量船之丈尺照商船例徵收鹽稅鹽引按桅封水程開載鹽色數目第一萬包作二萬包徵銀十有七兩餘每萬包徵銀八兩五錢每千包徵銀八錢五分茶稅上則茶每百斤徵銀三錢中則一錢下則三分竹木稅木筏丈量深濶及長積算三丈六尺納

銀十有七兩五錢五分一丈納銀四兩八錢六分二釐漲船每船納銀一兩木板片並脚船均無徵小木把計根數圍圓一尺以內者每根徵銀三釐一尺以外者七釐二尺以外者四分竹筏量深一尺作三根長二丈為一截寬則計根數每一根稅銀二釐小竹把計根數每一根徵銀二釐

一贛關稅九萬六百八十二兩有奇凡商船貨

物分上水下水視其貴賤按斤件擔筭其竹木計根鐵鍋計合科稅又有臨關例較正稅減則徵收又稅銀一兩五錢以上者為正稅繫足色庫平一兩五錢以下者亦為臨關零稅繫九三色市平

一福建海關稅三十一萬四千四百四十八兩有奇凡商船出洋及進口各貨按斤科稅者為多有按足件條把箇塊各因其物分別貴賤徵

收船稅按梁頭丈尺梁頭濶七尺以外作五尺
二寸八尺以外作五尺四寸九尺以外作五尺
六寸一丈以外作五尺八寸丈一二尺以外作
六尺四寸丈四五尺以外作六尺八寸丈六七
尺以外作七尺五寸丈八尺作八尺繫南臺履
門泉州涵江四口各號海船每尺料稅銀五錢
一年兩次徵收至各縣小商漁船僅在近地貿
捕除照海船梁頭減折丈尺外每尺徵銀三錢

至五錢內有一年兩次徵收者有一年一次徵

收者

舊例因海船不除水溝丈量梁頭五尺以上至一丈每尺徵銀五錢一丈以上至二

丈一兩二丈以上二兩額課稍重舟民措納維艱雍正七年題準酌量減折丈尺以示寬卹至新造新歸各船亦照前項本船梁頭丈尺畫一減折

一閩安關稅二萬三千三百六十五兩有奇繫落

地稅地方官隨時地酌收無定例

一浙海關稅八萬七千六百五十四兩有奇凡

商船出洋及進口各貨按斤按足科稅者為多

有按箇件副隻條把甯塊者各按其物分別貴

賤徵收○大關出口入口貨稅例每百斤作八

十斤

凡貨按足竹木按根塊同

散倉貨物丈量深寬及長因

乘加算計斤科稅其安南東洋貨稅例每百斤

作六十斤七十斤科稅其作八十斤者與閩廣

貨同均九折徵收○湖頭渡及象山古窰小港

瀝海等口與大關出口入口例同散倉貨丈量

計斤如之糧食船按梁頭丈尺梁頭四尺五尺

每寸徵銀五釐六尺以上每寸遞加一釐至滿
丈每寸徵銀一分一釐丈一尺以上每寸又遞
加一釐至丈有五尺每尺徵銀一分五釐如糧
食進寧波府照前例八折徵收○頭圍口稅例
紗羅紬布每百疋作六十疋土絲每百斤作六
十斤又各色雜貨每百斤往寧紹台溫者照本
關例由長江往廣閩者照北新關例○乍浦稅
例進口貨物有百斤作八十斤者有連包篋筭

八折至對折者木稅杉木按船不按根木枋沙
板按塊銅稅紅銅每百斤作六十斤熟銅器按
斤東洋貨惟紅銅照本條餘貨七折安南貨八
折閩廣貨八折及雙九折單九折徵收出口貨
物有計實數徵收者有按斤八折按足七折八
折徵收者箇件同 ○江埠白橋家子等口稅例出
口貨物每百斤往本省者作九十斤往閩省者
作八十斤進口貨物每百斤均作八十斤散倉

貨物丈量乘算每百斤亦作八十斤徵收○溫

州瑞安平陽等口稅例進口貨物每百斤作六

十斤出口貨物往本省者每百斤作八十斤往

閩省者每百斤作六十斤徵收

竹木計根同惟大杉木卜根作

七根松板卜丈作九丈木炭千斤作九百斤

船稅凡出洋貿捕船梁

頭四尺五尺每寸徵銀一分六尺以上每寸遞

加二釐至滿丈每寸徵銀二分二釐丈一尺以

上每寸又遞加二釐至丈有五尺每寸徵銀三

分丈六尺每寸三分四釐丈七尺丈八尺均每
寸四分採捕漁船各口岸不同視其大小納漁
稅銀自二錢至四兩八錢八分免稅例凡魚鮮
類十有九條四百斤以上者徵稅四百斤以下
者免稅燒柴木炭炭屑十斤以上者徵稅千斤
以下者免徵螭蝗等十有五條無論多寡均免
稅

一北新關稅二十一萬六千五百六十二兩有

奇凡貨物皆按數按斤視其貴賤分別科稅間
有按擔簍把束者均照部頒見行條例徵收船
料長船駁船艚船河船焦湖船漿船沙船均梁
頭五尺徵銀一錢六分六尺二錢九分六釐七
尺四錢八尺五錢三分六釐九尺六錢八分滿
丈八錢五分六釐丈一尺一兩五分六釐丈二
尺一兩三錢八釐丈三尺一兩五錢八分八釐
丈四尺一兩六錢六分八釐邊江船羅子頭船

落腳頭船王巷船鳥船艙船均梁頭五尺徵銀
一錢六分六尺二錢七尺三錢二分八尺四錢
五分六釐九尺六錢一分六釐滿丈七錢七分
六釐丈一尺九錢九分二釐丈二尺一兩二錢
丈三尺一兩四錢一分六釐太湖船宜興船馬
口船划子船扁子船攤船均梁頭五尺徵銀一
錢六尺一錢六分七尺二錢八分八尺四錢一
分六釐九尺五錢七分六釐滿丈七錢四分八

釐丈一尺九錢八釐丈二尺一兩八分八釐搖
羅船梁頭五尺徵銀一錢六尺一錢四分八釐
七尺三錢二分八尺四錢五分六釐尖船梁頭
五尺徵銀一錢六尺一錢四分八釐七尺二錢
八尺四錢五分六釐航船脚船搖船划船濶頭
船均梁頭五尺徵銀八分六尺一錢二分七尺
三錢二分八尺四錢五分六釐九尺六錢一分
六釐滿丈七錢七分六釐丈一尺九錢八分四

釐丈二尺一兩二錢丈三尺一兩四錢一分六釐

一南新工關稅三萬二百四十七兩有奇

稅銀解部

例見工部

一湖北武昌廠稅五萬三千九百六十七兩凡

商船貨物按梁頭丈尺料稅梁頭七尺徵銀六

錢二分八尺八錢八分九尺九錢六分滿丈一

兩二錢四分丈一尺一兩三錢八分丈二尺一

兩五錢二分丈三尺一兩六錢四分丈四尺一
兩八錢丈五尺一兩九錢八分空船梁頭七尺
徵銀三錢一分八尺四錢四分九尺四錢八分
一丈六錢二分丈一尺六錢九分丈二尺七錢
六分丈三尺八錢二分丈四尺九錢丈五尺九
錢九分鹽船按梁頭丈尺徵銀與空船同

一荆關稅一萬七千十有九兩有奇

稅銀解部
例見工部

辰關
同

一辰關稅一萬二千五百兩

閏月加九百兩

一夔關稅十有六萬三千一百十四兩有奇凡

商船貨物均分地道照部頒見行條例徵收米

豆雜糧均每石徵銀四分其船之大小照依准

關梁頭尺寸科稅

一打箭鑪稅一萬九千六百七十五兩有奇商

稅一應貨物照地方徵收之例每兩徵銀三分

餘均分地道照部頒見行條例徵收

一廣東海關稅五十一萬五千一百八十八兩
有奇凡商船出洋進口各貨按斤料稅者為多
有按丈足箇件者各因其物分別貴賤徵收船
稅東洋第一等大夾板船長七丈四五尺濶二
丈三四尺長濶相乘得十有八丈徵稅銀千四
百兩第二等夾板船及烏白艚船長七丈餘濶
二丈一二尺長濶相乘得十有五丈四尺稅千
一百兩第三等長六丈餘濶二丈餘長濶相乘

得十有二丈稅六百兩第四等長五丈餘濶一

丈五六尺長濶相乘得八丈稅四百兩

康熙二十四年

題準酌減二分西洋一等二等三等夾板船均照東洋

船例徵收

西洋第一等船原徵銀三千五百兩第二等船原徵銀三千兩第三等船

原徵銀二千五百兩康熙三十七年均改照東洋例本省出洋發各外國

等大船分為四等一等濶二丈二尺長七丈三

尺以上每丈徵銀十有五兩二等濶二丈長七

丈以上每丈十有三兩三等濶一丈八尺長六

丈以上每丈十有一兩四等濶一丈六尺長五丈以上每丈九兩第二等出海貿易香料艚舶

船

以下均長濶相乘算

每尺三錢第三等出海鹽船一年

兩次徵收以八尺起料至一丈二尺每尺料銀

五錢一丈三尺以上至一丈七尺每尺料銀八

錢一丈八尺以上至二丈二尺每尺料銀一兩

一錢均每尺遞加五分第四等沿海貿易漿船

船一年兩次徵收五尺至七尺九寸每尺三錢

算不加自八尺起比照鹽船例遞加料算沿海
民間日用餬口貿易小船免徵如興販大洋者
照例徵收其裝甌瓦石灰蜆殼缸罈稻穀柴炭
草料豬牛雜毛等項補半料

一太平關

兼太平遇仙二橋含光一廠

稅十有三萬七十二

百九十七兩有奇凡商船貨物分上水下水視
其貴賤按斤件包篋花器按籃筭料稅內贛稅
每正稅一兩徵銀二錢部餉每貨百斤徵銀二

釐料銀每貨百斤上水徵銀四釐下水二釐均
歸入正稅支解又膳夫銀每貨百斤徵銀一釐
船料每船上水徵銀八分下水二分均抵充全
書雜稅起解又有遇仙橋上水稅例不徵贛稅
部餉料銀又有太平遇仙兩橋減免實收例亦
分上水下水按斤件料稅又有含光廠稅例較
太平遇仙兩橋正例及減免實收例互有增減
以上各地宜均照舊例徵收又太平遇仙兩

橋比照贛閩粵海關徵收例

向無定則乾隆十三年比照各例權

其輕重量增者四十一條改減者二十九條照舊徵收者二十五條均列入條例

木稅

枋板計塊木計根視其大小貴賤徵收鹽稅每

引目徵軍餉九錢包稅一錢四分歲過鹽三

百九十八引五分

一廣西梧廠稅六萬三千八百兩有奇

繫落地稅地方官隨

時地酌收無定例 潯廠同

一潯廠稅四萬五千八百二十兩有奇

欽定大清會典則例卷四十七